



# Government Gazette Staatskoerant

REPUBLIC OF SOUTH AFRICA  
REPUBLIEK VAN SUID AFRIKA

Vol. 663

29 September  
September 2020

No. 43744

N.B. The Government Printing Works will not be held responsible for the quality of "Hard Copies" or "Electronic Files" submitted for publication purposes

ISSN 1682-5843



9 771682 584003

43744



**AIDS HELPLINE: 0800-0123-22 Prevention is the cure**

**IMPORTANT NOTICE:**

**THE GOVERNMENT PRINTING WORKS WILL NOT BE HELD RESPONSIBLE FOR ANY ERRORS THAT MIGHT OCCUR DUE TO THE SUBMISSION OF INCOMPLETE / INCORRECT / ILLEGIBLE COPY.**

**No FUTURE QUERIES WILL BE HANDLED IN CONNECTION WITH THE ABOVE.**

**Contents**

<i>No.</i>		<i>Gazette No.</i>	<i>Page No.</i>
<b>GOVERNMENT NOTICES • GOEWERMENTSKENNISGEWINGS</b>			
<b>Environment, Forestry and Fisheries, Department of/ Omgewingsake, Bosbou en Visserye, Departement van</b>			
1024	Disaster Management Act (57/2002): Ditaelo tse di mabapi le ditsela tsa go Sekaseka, go thibela le go lwantsha kasnamo ya Covid-19 tse di amanang le makwalotetla le dilaesense tsa Taolo ya Tikologo ya Bosetšhaba .....	43744	3

---

**GOVERNMENT NOTICES • GOEWERMENTSKENNISGEWINGS**

---

**DEPARTMENT OF ENVIRONMENT, FORESTRY AND FISHERIES**

NO. 1024

29 SEPTEMBER 2020

**DITAELO TSE DI MABAPI LE DITSELA TSA GO SEKASEKA, GO THIBELA LE GO LWANTSHA KANAMO YA COVID-19 TSE DI AMANANG LE MAKWALOTETLA LE DILAESENSE TSA TAOLO YA TIKOLOGO YA BOSETSHABA**

Nna, Barbara Dallas Creecy, Tona ya Dikgwa, Bodirakatlhapi le Tikologo ke rebola fano Ditaelo tse di tihagisittsweng mo Šejuleng go ya ka molawanataolo 4(10) wa Melawanataolo e e rebotsweng ke Tona ya Tirisano mmogo ya Puso le Merero ya Setso go ya ka karolo 27(2) ya *Disaster Management Act, 2002* (Molao 57 wa 2002) le go phasalatswa ka di 29 Moranang 2020 mo Kitsisong ya Puso Nmr. R. 480 ya Lokwalodikgang la Puso Nmr. 43258, jaaka e tihabolotswe.

*Kgatiso ya Seesimane ya Ditaelo e phasaladitswe ka di 9 Lwetse 2020. Ditaelo di tsena mo tirisong ka letlha la phasalatso la kgatiso ya Seesimane mo Lokwalodikgannyeng la Puso . Fa go ka nna le go sa nyalaneng magareng ga Ditaelo tsa sekwalwa sa kgatiso ya Setswana le sekwala sa kgatiso ya Seesimane, sekwala sa kgatiso ya Seesimane ke sona se tsewang tsia.*

**BARBARA DALLAS CREECY****TONA YA TSA DIKGWA, BODIRAKATLHAPI LE TIKOLOGO**

**ŠEJULE****1. Dithaloso**

Mo ditaelong tseno, lefoko kgotsa thagiso nngwe le nngwe e e neilweng bokao mo Molaong wa Taolo ya Tikologo, Molao wa Bosetšhaba wa Taolo ya Leswe: Molao wa Leswe, Taolo ya Bosetšhaba ya Tikologo: Molao wa Boleng jwa Mowa, Melawanataolo ya Tshekatsheko ya Kutlwalo mo Tikologong le Melawanataolo ya Bosetšhaba ya Boikuelo, e nna le bokao jo bo e bo neilweng, ntle le fa bokao bo kaya ka mokgwa osele—

**“Maemotsiboso”** a kaya Maemotsiboso a a maleba jaaka go umakile mo Melawanataolong;

**“Melawanataolo ya Tshekatsheko ya Kutlwalo mo Tikologong”** e kaya Melawanataolo ya Tshekatsheko ya Kutlwalo mo Tikologong e e rebotsweng go ya ka dikarolo 24(5) le 44 tsa Molao wa Bosetšhaba wa Taolo ya Leswe le go phasalatswa ka di 4 Sedimonthole 2014 mo Kitsisong ya Puso Nmr. R. 982 ya Lokwalodikgang la Puso Nmr. 38282;

**“Melawanataolo ya Bosetšhaba ya Boikuelo”** e kaya Melawanataolo ya Bosetšhaba ya Boikuelo e e rebotsweng go ya ka karolo 44(1)(a), ka puisommogo le karolo 43(4) ya Molao wa Bosetšhaba wa Taolo ya Tikologo le go phasalatswa ka di 8 Sedimonthole 2014 mo Kitsisong ya Puso Nmr. R. 993 ya Lokwalodikgang la Puso Nmr. 38303;

**“Molao wa Bosetšhaba wa Taolo ya Tikologo”** o kaya *National Environmental Management Act, 1998* (Molao 107 wa 1998);

**“Taolo ya Bosetšhaba ya Tikologo: Molao wa Boleng jwa Mowa”** o kaya *National Environmental Management: Air Quality Act, 2004* (Molao 39 wa 2004);

**“Taolo ya Bosetšhaba ya Tikologo: Molao wa Leswe”** o kaya Taolo ya Bosetšhaba ya Tikologo: Molao wa Leswe, 2008 (Molao 59 wa 2008);

**“Ditaelo tsa go Naya Tetla”** di kaya Ditaelo tse di phasaladitsweng mo Kitsisong ya Puso Nmr. 650 mo Lokwalodikgannyeng la Puso Nmr. 43412 la di 5 Seetebosigo 2020 tse di dirisitsweng ka nako ya Maemotsiboso 3;

**“Melawanataolo”** e kaya Melawanataolo e e rebotsweng go ya ka karolo 27(2) ya *Disaster Management Act, 2002* (Molao 57 wa 2002) le go phasalatswa ka fa tlase ga Kitsiso ya Puso Nmr. R.480 ya Lokwalodikgang la Puso Nmr. 43258 la di 29 Moranang 2020, jaaka e thabolotswe ka Dikitsiso tsa Puso diNmr. R. 608 ya Lokwalodikgang la Puso Nmr. 43364 la di 28 Motsheganong 2020, R. 714 ya Lokwalodikgang la Puso Nmr. 43476 la di 25 Seetebosigo 2020, R. 763 ya Lokwalodikgang la Puso Nmr. 43521 la di 12 Phukwi 2020, R. 846 ya Lokwalodikgang la Puso Nmr. 43577 la di 31 Phukwi 2020 le R. 891 ya Lokwalodikgang la Puso Nmr. 43620 la di 17 Phatwe 2020; le

**“Ditaelo tse di phimotsweng”** di kaya Ditaelo tse di phasaladitsweng ka di 31 Mopitlwe 2020 mo Kitsisong ya Puso Nmr. 439 ya Lokwalodikgang la Puso Nmr. 43190.

## 2. Maitlhommo

Maitlhommo a Ditaelo tseno ke go ngotla matshosetsi a a lerilweng ke leroborobo la COVID-19 le go fedisa, go baya ka fa tlase ga taolo le go fokotsa ditlamorago tsa maemo a bosetšhaba a matlhotlhapelo, le segolobogolo go tlamela ditaelo go netefatsa kgato ya kabo ya dilaesense e e lolameng le ditsamaiso tsa botsayakarolo jwa baagi jaaka go tlhokega go ya ka melao e e umakilweng mo Ditaelong tsa go Naya Tetla.

## 3. Tiriso

3.1 Kitsiso eno e diriswa mo baameging ba ba umakilweng mo temaneng 3.1 ya Ditaelo tsa go Naya Tetla.

3.2 Fa bongwe jwa bothati jwa kabo ya dilaesense kgotsa bothati jo bo nang le bokgoni jo bo amilweng ke Ditaelo tseno bo tlhagisitse mo phatlalatseng gore thulaganyetso e e farologaneng e a diriswa mabapi le temana 4, thulaganyetso eo e tla nna yona e diriswang go feta thulaganyetso efe e e tlhagisitsweng mo Ditaelong tseno.

## 4. Katoloso ya dinako tse di bellweng

Mabapi le ditshwetso kgotsa dikgato dife tse di angwang ke dinako tse di beilweng tse di umakilweng mo ditemaneng 5.1(a) le 5.2(a), (b) le (d) tsa Ditaelo tse di phimotsweng, tse ditsamaiso, ditirelo kgotsa ditiro tsa tsona di neng di sekegilwe, di atolositswee kgotsa di tseetswe gore di atolositswe go simolola ka di 27 Mopitlwe 2020, go akaretsa le paka ya kamogelesego ya ditshwetso kgotsa matlha ao ka ona dipegelo tsa boruni tsa tikologo di neng di tshwanetse go romelwa, le tseo ditsamaiso, ditirelo kgotsa ditiro—

(a) di neng di sa simololwa go ya ka Ditaelo tsa go Naya Tetla, mme di ne di simolotswe ka fa tlase ga Maemotsiboso 2 kgotsa Maemotsiboso a a kwa tlase, dikgato tse di maleba di tshwanetse go tsewa, go ya ka molao o o maleba, gore go efogwe go felelwa ke nako kgotsa go ya bokhutlong ga ditshwetso kgotsa ditsamaiso tseo—

(i) mo matsatsing a le 30 a go phasalatswa ga Ditaelo tseno mo Lokwalodikgannyeng la Puso; kgotsa

(ii) fa dikgato tse di saletseng kwa morago di ka se konotlwe mo pakeng ya matsatsi a le 30 a go phasalatswa ga Ditaelo tseno mo Lokwalodikgannyeng la Puso, mo

pakeng eo e e tsewang jaaka e e maleba e bile e utlwagala go konotela dikgato tseo tse di saletseng kwa morago, paka eo go tshwanetseng go dumalanwa ka yona, le go netefatswa ke, bothati jo bo maleba ka go kwala mo matsatsing a le 30 a go phasalatswa ga Kitsiso eno mo Lokwalodikgannyeng la Puso, mme paka e go dumalanweng ka yona e tshwanetse go buisanwa ke modirakopo, motho yo o tsereng tshwetso, modiraboikuelo kgotsa moamegi ofe yo mongwe yo o rwalang maikarabelo ntle le tshenyoyano ya nako, le matlhakore a a angwang ke tsamaiso kgotsa tshwetso eo;

- (b) di simolotsweng ka fa tlase ga Ditaello tsa go Naya Tetla ka nako ya Maemotsiboso 3, ditsamaiso, ditirelo kgotsa ditiro tseo di tshwanetse go tswelala go latela kobamelo ya katoloso ya nako nngwe le nngwe e e beilweng e e diriswang jaaka go umakilwe mo ditemaneng 4.2 le 4.3 tsa Ditaello tsa go Naya Tetla kgotsa ditumalano tse di dirilweng mabapi le tshwetso kgotsa kgato e e rileng magareng ga matlhakore a a maleba jaaka go umakilwe mo Ditaelong tsa go Naya Tetla.

#### 5. Tshimololo le nako

Ditaello tseno di tsena mo tirisong ka letlha la phasalatso mo Lokwalodikgannyeng la Puso e bile di tla diriswa ka nako ya paka ya maemo a bosetshaba a matlhotlhapelo.



Printed by and obtainable from the Government Printer, Bosman Street, Private Bag X85, Pretoria, 0001  
Contact Centre Tel: 012-748 6200. eMail: [info.egazette@gpw.gov.za](mailto:info.egazette@gpw.gov.za)  
Publications: Tel: (012) 748 6053, 748 6061, 748 6065